



220004

kat.komp


III

Mag. St. Dr.

P

Teol. 900

Dzielski Alb. Ios: Conclusiones theologicae in  
mention d. Thomas doct. Angelici:



Io triumphe ROSIS sint Oibe encomia toto,  
Magna quibus floret MECINIANA Domus.

CONCLUSIONES THEOLOGICÆ  
Juxta mentem D. THOMÆ Doct. Angelici,  
PRÆSIDENTE  
M. CASIMIRO VENCESLAO STRASZYNKI,  
S. Th. Professore, Ecclesia Collegiatæ S. FLORIANI Ca-  
nonico, Præposito Mstyckouensi,  
Obiectis satisfacente,  
M. ALBERTO JOSEPHO DZIELSKI, Philosoph. Doct. & Professore,  
In Lectorio Theol. Vniuersitatis Almæ Academix Crac.  
Publicè ad Disputandum  
PROPOSITÆ.  
Anno Dñi 1688.

Die 7. Novembr.

r.

ET  
TOGA

ET  
SAGO



B. IOANNES CANTIVS Polonus S. Th. in Vniuersitate  
Cracoviensi Doctor Presbyter Secularis Roma A.D. 1681.

220004

Omne decus Tibi Sancte Pater Iagielonia Pallas  
Debet, tum sacræ nomina docta Togæ.  
Ergo tuam fer opem nobis Dux Diue Lycæi  
Sarmatici, & nostri gloria magna soli.



Illusterrimo & Magnifico Domino,

# D. CASIMIRO

DE KUROZWIEKI

# MECINSKI,

CAPITANEO VIELVNENSI,  
DOMINO & PATRONO Obseruandissimo.



Vam Diuina prouidentia inter Paradisi delicias humano generi contulerat felicitatem, si eam primæua innocentia retinuisset, aeternum inter beata illa tempe commoraremur, sed manus illa, que fructum de arbore carpsit, hortum deliciarum occlusit, exclusiq; procul hominem damnatum ad spinas & tribulos **ILLVSTRIS SIME ac MAGNIFICE DOMINE.** Ita locus voluptatis, in quo ver perenne mille spirabat gratias & Echesias negatus hominibus, tristis solitudo caligoq; concessa, ut inter densas ignorantie umbras & difficultatum deuia, manus & intellectus hominis teneretur. In tanto nubilo nullum serenum, sed plusquam Cymmerie umbrae, ubi nemo sine metu, sine offensione processit, c: euissetq; in immensum malum, ni Diuina Maiestas rebus humanis prospexit, dedissetq; lumen, quod ad portas Paradisi monstraret iter, Sacram Theologiam intelligo, è cuius arcanis Theses praesentes depromptas Magno Nomini Tuo **ILLVSTRISSIME ac MAGNIFICE DOMINE** dedico consecroq;, ut candi-  
disimis **ROSIS** Tuis coronatae, in Orbis faciem prodeante amanu& etiam inter rigidiores sauentis Autumni minas. Scilicet Gentilitium **ROSETVM** Tuum cum ipsa nascente Liberitate Campis illatum Sarmaticis amanissimam fert semper aestatem,

tem, quam nulla temporis sortisq; penuria depascitur, sed feli-  
cissima successione, per amplissima in hac Republica honorum  
meritorumq; efflorescit subsellia. Nullam etatem inuenies, quæ  
Magnorum PORATORVM non testetur et statem inter bel-  
li Pacisq; decora illustrem, quorum gloriæ non ero iniurius, si  
augustos Eorum manes, quos magna virtus æternitatis intulit  
viridarijs ad Heliconis umbras non prouocauero, in Te Eorum  
famam & Nomina veneratus, qui omnem ILLVSTRIS-  
SIMÆ Domûs adimples mensuram. Efflorescit in Tuis me-  
ritis ROSARVM gloria, saluberrimis consilijs toties in facie  
Reipublicæ per Generalia Comitia & Tribunal Regni propaga-  
ta, atq; Praefecturâ Vielunensi illustris. Hac TIBI Tua vir-  
tus, amor Boni Publici, & Libertatis, honorum augustalia pan-  
dit, indubitata spe in amplissimis Reipublicæ Subsellij ROSAS  
Tuas collocatura, in quibus olim amoenissime floruerunt; immo  
Diui Maiores Tui hic vita statione peractâ, postquam fragran-  
tiâ Rosarum suarum Orbem impleuissent, etiam eas ad Viri-  
daria Cœli transtulerunt, quidni & Cœlestis Sapientia Eorum co-  
ronamenta in praesenti expositione Thesum ambiat? innocens  
hac ambitio est, immo mea in TE ILLVSTRISSIME  
& MAGNIFICE DOMINE debitæ venerationis ar-  
gumentum, in quem magna gratia & beneficiorum tuorum de-  
scendit amplitudo. Suscipes hoc obserati animi pignus &  
inter maiores Tuas curas patieris collocari innata in literas Lite-  
ratosq; humanitate. Quod dum exposco, simul liberalem cœle-  
stium Gratiarum accessionem. Illustriss & Magnifica Domina-  
tioni Vestre exopto.

Vestræ Illusterrimæ & Magni-  
ficæ Dominationis.

Obsequentiissimus, & Devotus co-  
ram DEO Exorator.

M. CASIMIRVS VENCESLAVS.  
STRASZYNKI.

In Nomine Domini, Amen.

# CONCLVSIONES THEOLOGICÆ, De Voluntate DEI.

I.

**N** DEO verè est Voluntas, quæ spectata in ordine ad volitionem essentiale, non habet rationem Potentiaz secundum rem, & ratione rei conceptaz; sed secundum modum intelligendi, præcisè apprehendentem illam per modum Potentiaz, nec est quid primò constitutuum Naturaz Diuinaz loquendo Metaphysicè.

II.

**O**biectum Formale Motium & Terminatum Diuinaz Voluntatis, est sola Diuina Bonitas, quam Deus diligit necessariò necessitate quoad specificationem & exercitum simul, Creaturas verò existentes & futuras non amat necessariò sed liberè, Creaturæ tamen Possibiles ut in se & præcisè possibiles, non amantur à Deo.

III.

**D**atur in Deo Voluntas libera, quâ liberè operatur, & vult circa Obiecta creata, quæ voluntas ut Natura & ut Libertas est non distinguitur Virtualiter seu cum fundamento in re, sed solùm ex parte nostri modi concipiendi.

IV.

**A**ctus Dei liber consistit in actualitate necessaria Voluntatis, terminata ad Creaturas seu connotante eas ut Obiectum Volitum; nec consistere potest in De-

A

nomina-

nominatione extrinseca petita ex productione transeunte ad extra Creaturarum, neq; in Formalitate necessaria Voluntatis Diuinæ connotando effectus ad extra , vel actionem extrinsecam D E I, neq; in aliqua Formalitate reali & infinita ab Essentia Diuina per modum transeuntis inclusa, quæ possit adesse vel abesse à Deo ; non addit etiam supra Volitionem Necessariam perfectionem realem realiter ab illa distinctam, nec consti tui potest per respectum Rationis ad Creaturas.

V.

**V**Oluntas D E I non potuit manere omnino suspensa à terminatione libera ad Creaturas, nec esse libera Libertate Contradictionis ; si autem D E V S in tempore aliquid velle inciperet, aut à libera voluntate desisteret, sequeretur Physica mutatio in illo : Vnde ex immutabilitate Diuina rectè infertur non posse Libera D E I Decreta variari.

VI.

**V**Oluntas D E I Antecedens est, quæ Versatur circa Obiectum ut non Vestitum omnibus Circumstantijs, quibus est Executioni mandandum ; Consequens vero Voluntas est eiusdem Obiecti, vt vestiti peculiaribus circumstantijs occurribus, & sic Voluntas D E I Antecedens est Voluntas secundùm Quid, Voluntas vero Consequens est Voluntas simpliciter.

VII.

**D**EVS Voluntate Generali & Antecedenti vult omnes homines etiam post Adæ lapsum saluos facere : Prædestinatus, etiam existens in peccato mortali odio habetur à D e o odio antecedenti, diligitur vero ab ipso, amore efficaci consequenti. Hæc Voluntas Antecedens

dens, quâ Deus vult omnes homines saluos fieri est propriè & Formaliter in Deo, non tantum Metaphoricè & eminenter; per quam etiam Deus præparat Media seu auxilia, quibus homines sufficienter ordinantur & præmouentur in vitam æternam.

### VIII.

**D**eus per Decreta ex se efficacia absolutè prædeterminat omnes actus nostros liberos non ex peccando aut supponendo liberum Voluntatis nostræ consensum, sed potius causando illum, quæ prædeterminatio quâ efficaciter præmouet & prædeterminat physicè ab extrinseco causas liberas ad operandum iuxta suam Naturam, minimè tollit earum libertatem.

### IX.

**E**fficacia Diuinorum Decretorum extenditur etiam ad statum Innocentiae Angelorum & hominum, pariter prædefinit Deus Decreto suo absoluto & ex se efficaci Materiale peccati, secundum omnes rationes, quæ aliquo modo malitiam moralem non exprimunt.

### X.

**I**n Deo reperitur Formaliter Amor & non solum Gaudium respectu intrinsecæ Bonitatis; non datur tamen Iustitia Commutativa, licet datur Formaliter Distributiva, Misericordia quoque ut dicit affectum subueniendi alienæ miseriæ reperitur in Deo formaliter.

### XI.

**P**rouidentia omnium rerum creatarum datur in Deo, quæ non solum se extendit ad species rerum, sed etiam ad Individua corruptibilia, quæ consistit in actu Intellectus Practici, seu in actu Imperij, qui Electionem subsequitur, & non in actu Iudicij illam antecedente.

# De Prædestinatione Dei.

## XII.

**C**onueniens fuit homines à Deo prædestinari, & defactò sunt aliqui prædestinati, quæ Prædestinatione ita est necessaria ad salutem, ut impossibile sit aliquem sine illa saluari, nec sufficit ad hoc generalis Prudentia seu Voluntas Antecedens, quâ Deus vult omnium salutem, cuius Obiectum Adæquatum includit respectum & ad Personas & ad res, nimirūm Gratiam & Gloriam, vt ad Finem Qui, ad Personas vt ad Finem Cui.

## XIII.

**P**rædestinatione Formaliter & in recto solum essentia pliter consistit in actu Intellectus connotando tamen indispensabiliter actum Voluntatis, nimirūm in ipso Imperio seu Iudicio Practico consequente Electionem, & non in Iudicio regulante electionem, neq; importat ex aequo actum Intellectus & Voluntatis.

## XIV.

**P**rædestinatione non est Pars Subiectiva, sed Obiectiva; seu quantum ad Obiecta respectu Diuinæ Prudentiæ simpliciter sumpta, inter quæ plura inueniuntur discrimina.

## XV.

**E**lectio Prædestinatorum ad Gloriam est omnino gratuita, non verò ex Iustitia & ex præuisis meritis, quæ Electio non est ad Gloriam qualitercunq; sed ad eandem vt dandam per modum Coronæ.

## XVI.

**O**pera bona moraliter ex Viribus Naturæ profecta non sunt Causa meritoria de condigno, neque de congruo

cō gruo primi effectū Prædestinationis nimirūm primæ  
Gratiæ auxiliantis, nec potest quispiam se ad Gratiam di-  
sponere proprijs Viribus etiam dispositione negatiua in-  
fallibili.

XVII.

**G**lorificatio seu Beatitudo Electorum, Iustificatio, &  
Vocationes tam efficaces quām inefficaces sunt ef-  
fectus Prædestinationis illorum, pariter Gratia sanctifi-  
cans interrupta etiam secundūm suam Substantiam, &  
vt primò eis collata non solūm vt recuperata; determi-  
natio quoq; Voluntatis nostræ ad bonum supernaturale  
seu bonus usus liberi arbitrij vt se tenet ex parte nostra.

XVIII.

**S**ubstantia Prædestinati, seu esse Substantiale illius est  
Setiam effectus Prædestinationis, tum bona omnia na-  
turalia & mala pœnæ, non tamen mala culpæ seu pec-  
cata: Permissiones tamen peccatorum tam in electis,  
quām in reprobis sunt effectus Prædestinationis electo-  
rum.

XIX.

**P**rædestinatio est certa non solūm certitudine Cogni-  
tionis & Præscientiæ sed etiam certitudine ordinis &  
causalitatis mediorum; numerus quoque electorum est  
Deo certus certitudine præscientiæ & prædefinitionis;  
in hac tamen vita seclusâ Dei i reuelatione nemo potest  
certò scire an sit de numero prædestinatorum; & pro-  
bile est ex ipsis fidelibus Romanæ Ecclesiæ subiectis, mi-  
norem esse numerum prædestinatorum quām reprobo-  
rum.

XX.

**R**eprobatio Negatiua antecedit prævisionem demer-  
itorum personalium; iam verò Reprobatio Positiua  
supponit talem prævisionem; & prima Causa motiuua  
Reprobationis hominum fuit peccatum Originale.

B

XXI.

XXI.

**D**EVS omnibus reprobis tam adultis quam paruulis dat media seu auxilia ad salutem sufficientia; permisso autem peccati actualis per poenitentiam non deteli, & induratio in peccatoribus reprobis sunt effectus Reprobationis, non tamen permisso peccati Originalis.

XXII.

**A**Descentiam seu perfectionem Libertatis non pertinet Indifferentia excludens Diuinæ motionis & applicationis necessitatem, imo est impossibilis: Vnde Decretum prædeterminans non tollit, sed causat actualem Voluntatis nostræ libertatem, & perficit libertatem potentialem.

## De SS. Trinitate.

XXIII.

**D**atur in Diuinis seu intra D E V M actu verè & formaliter realis Processio vnius Personæ ab alia; quæ Processiones propriè sunt Actiones immanentes ac Vitales, & non puræ emanationes; & sumptæ actiue nimirùm Dictio & spiratio sunt ipsi actus intelligendi & volendi cum speciali modificatione virtualiter superaddita.

XXIV.

**P**rincipium quô proximum Generationis verbi & productionis Spiritûs Sancti, est Intellectus & Voluntas D EI, vt modificantur Relationibus Paternitatis & spirationis Actiue: Principium verò Quô primum & radicale est Essentia Diuina vt modificata Relatione, & nullo modo sola Relatio, nec sola Perfectio absoluta.

XXV.

**P**rocessio Verbi Diuini est Generatio, & ipsum Verbum est genitum & Filius, præter quam Processionem Verbi Diuini, datur Processio per Voluntatem Spiritûs Sancti, non tamen est Generatio.

XXVI.

XXVI.

**D**antur in Diuinis Relationes reales etiam secundum esse Ad, quæ tantum sunt quatuor, Paternitas, Filiatio, Spiratio, & Processio; spiratio vero actua non distinguitur realiter à Paternitate & Filiatione, sed tantum virtualiter.

XXVII.

**I**nter Relationes & Essentiam Diuinam non datur distinctio realis modalis, neq; distinctio realis Formalis siue ex Natura rei; & sic Essentia Diuina ut virtualiter distincta intrinsecè & Essentialiter clauditur in conceptu Relationum, & Relationes de intrinseco conceptu Diuinæ Naturæ, non per modum transcendentis seu constitutioi intrinseci, sed tanquam modi intrinseci eius.

XXVIII.

**N**on dantur in Diuinis tres Existentiæ relatiæ distinctæ inter se realiter & virtualiter ab Existentiâ absoluta Essentiæ; neq; Relationes ipsæ secundum esse Ad & Relatiuum addunt perfectionem Relatiuum distinctâ virtualiter à perfectione Essentiæ.

XXIX.

**R**atio Personæ verè & Formaliter in Deo reperitur, & in Personis Diuinis dantur realiter tres Subsistentiæ relatiæ; præter quas Subsistencias relatiæ datur subsistencia Absoluta conueniens Naturæ Diuinæ formaliter.

XXX

**P**ersonæ Diuinæ constituuntur & distinguuntur per Proprietates Relatiæ non absolutas, præter quas ponendæ sunt in Diuinis Personales Notiones, quæ tantum sunt quinque: Paternitas, Innascibilitas, Filiatio, Spiratio Actua, & Spiratio Passiva.

XXXI.

**Q**væ conueniunt Diuinis Personis ratione solius Essentiæ, singulärer tantum de illis dicuntur; & quæ eis solūm competunt ratione Proprietatum Personalium, dicuntur tantum pluraliter; quæ vero eis conueniunt ratione Proprietatum & Essentiæ, dicuntur pluraliter & singulariter, pariter Filius in Diuinis potest dici alius à Patre, non tamen aliud, & è contra vnum cum Patre, non vero unus dicendus est: Mysterium etiam Trinitatis non potest demonstrari ex effectibus Naturalibus.

XXXII.

**V**erbum Diuinum procedit ex cognitione omnium Personarum nimirum ex cognitione Paternitatis, ex cognitione sui, & Spiritus Sancti, imo etiam ex cognitione Creaturarum Possibilium; non tamen ex cognitione futurorum aut existentium: cui ratio imaginis vere & propriè conuenit non tamen Spiritui Sancto.

XXXIII.

**S**piritus Sanctus etiam procedit à Filio, Pater tamen & Filius sunt vnum Principium Spiritus Sancti, & sic pro Princípio productuo duas Personas per se exigit, proceditq; ex amore omnium quæ sunt formaliter & necessariò in D. o, non tamen ex amore Creaturarum Possibilium aut existentium: & si non procederet à Filio non distingueretur realiter ab illo.

XXXIV.

**P**ersonæ Diuinæ sunt inter se perfectissimè similes & æquales; Relationes tamen similitudinis & æqualitatis inter illas non sunt reales sed rationis; neque datur Relatio realis æqualitatis aut similitudinis fundata in Proprietatibus Personalibus, & Virtualiter distincta à Relationibus Originis.

XXXV.

**M**issio conuenit Personis Diuinis non tamen omnibus, cùm non conuenit Patri, ex Personis etiam quæ mittuntur, non potest vna Persona mitti sine alia, quæ Missio si sit invisibilis tantum est ratione Gratiæ & Charitatis. Cui D. o vni in Essentia, Trino in Personis, sit Laus Honor, & Gloria.

Sub FELICISSIMIS AUSPICIIS,

*Magnifici, Perillustri, & Reuerendissimi Domini,*

**D. M. MARTINI WINKLER,**

S. Th: Doct: & Profess: Collegij Maioris Senioris Patris, Ecclesiarū, Cathedr: Crac: CANONICI, Collegiatarū Sendomiriensis PRÆPOSITI Kielcensis Scholastici, Curati Premycouien: Contubernij Geianiani, & Scholarū Nouodvorscianarum PROVISORIS.

S. R. M. SECRETARII,

Studij Almæ Vniuersitatis Cracouensis

Generalis & Vigilantissimi

**R E C T O R I S.**



*J. XXII. 30.*

Biblioteka Jagiellońska



stdr0003626



~~Concordia Seminary Library~~  
~~St. Louis, Mo.~~